

## REGIONAL NEWS

HEADLINES:-

1. Lok Sabha inthlanpui vawi 18-na vote thlak nimina zawhfel takah vot tla zat hi za zela 56.68 a tling.
2. Inthlanpui avanga Zokhawthara India leh Myanmar inkalpawhna lei khar hawn leh tur chungchangah thuneitute thu ngaihchan mek ani.
3. Nimin lamah Lok Sabha inthlanpui thawhkhatna zawh fel anih hnuin inthlanpui thawhnhniha campaign-in a vanglai a thleng chho tan.
4. Chief Justice of India Justice DY Chandrachud chuan India-in dan leh hrai hmanga misual chungthu relna lama inthlak hlawk turin a inbuatsaih a ti.

&lt;&gt;&lt;&gt;&lt;&gt;

PEACEFUL POLLING IN MIZORAM

Lok Sabha inthlanpui vawi 18-na vote thlak chu boruak muanawm tak hnuaiah nimin khan zawh fel a ni a, vot tla zat hi za zela 56.68 a tling.

State Addl Chief Electoral Officer H. Lianzela chuan nimin tlai dar 5 thlenga report an dawn chinah vote 56.68 a tla a ti a, vote hi polling station hmun thenkhatah la thlak zawh hman anih loh avangin vote thlak zat hi la danglam thei a ti a.

Mizorama vote thlak zat zaa 56.68 hi ECI Voter turnout Application atanga lan danin hmarchhak state zingah vote tlak chhiatna ber a ni a, Nagaland ah vote percentage zaa 56.91 niin hmarchhak state zinga vote tla tha lo state pahniha a ni a, Mizoramah hian kum 2019 Lok Sabha inthlanah vote zaa 63.13 tla in hriat theih chinah Lawngtlai District-a Thanglianhluma (kum 104) chu vote thlak tura chhuak zinga upa ber a ni.

Addl CEO Pu H. Lianzela chuan an hriat chinah khawl felloh vanga vote thlak harsatna thleng a awmlo a ti a, EVM leh VVPAT chianglo avanga vote khaihlak hmun thenkhata awm chu hun reilote chungin khawl thara thlak nghal ani a ti bawk.

Lok Sabha inthlanpuiah hian Mizoram ah vote nei mi nuai 8 sing 5 sang 6 chuangin vote an thlak thei a, Candidate 6 awmin rorel lai ZPM, MNF, Congress, BJP, PC Party atangin leh Independent atangin pakhat an awm a, June ni 4 ah rampuma vote chu a ruala chhiar a ni dawn a ni.

Kum 1972-a Mizoramin Lok Sabha inthlanpuia vote a thlak hmasak ber atangin kum 1980 leh 1998-ah eptu party ten chakna an chan tih loh chu State-a rorel lai ten hnehna an chang vek a, Lok Sabha inthlan hnunung berah State-a rorellai MNF Party Candidate Pu C. Lalrosanga chu thlan tlin a ni a, Kum 2019 Lok Sabha inthlanah khan MNF chuan za zela 44.9 vote an hmu a, a hnaih ber tu Congress leh ZPM Common Candidate in vote zaa43.6 hmu in BJP in vote zaa 5.75 an hmu a ni.

&lt;&gt;&lt;&gt;&lt;&gt;

MLA SUBMITS REPLY TO SHOW CAUSE NOTICE

Tuichawng bialtu MNF MLA leh Chakma Autonomous District Council-a Chief Executive Member Pu Rasik Mohan Chakma chuan tunkar thawhtanni khan Mizoram Assembly Speaker Pu Lalbiakzama'n MLA atanga ban anih loh chhan tur sawifiah tura a tih angin Speaker hnenah chhanna a theh lut.

Mizoram Legislative Assembly Speaker Pu Lalbiakzama hian thla hlui March ni 22 khan Rasik Mohan Chakma hi show cause notice pe in CADC MDC Doymoy Daveng Chakma hnen atangin CADC CEM leh MLA a nih kawp

chungchangah complaint a dawn thu a tarlang a, Assembly Speaker chuan CEM leh MLA anih kawp avanga dan a bawhchhiat thu Rasik Mohan Chakma hi hriattirin, The Mizoram State Legislature Members (Removal of Disqualification) (Amendment) Act 2006 anga MLA atanga ban a nih loh chhan tur chu April ni 15 hmaa insawifiah turin a hriattir a ni.

Speaker sawi danin dan anlo neih tawh sa zulzuiin mithiamte nen ngun taka ngaihtuah ho tur ani dawn a, dan hmanga dik taka rorel ani ang a ti.

Rasik Mohan Chakma pawhin Show Cause Notice chhanna hi April ni 15 ah a thehltut tih sawiin official thil anih avangin sawi vek a rem hrihlo a ti bawk.

MLA inthlan hnukung ber khan Rasik Mohan Chakma hi CADC CEM ni chungin Tuichawng bial atangin MLA ah thlan tlin a ni a, CEM leh MLA nihna a chelh kawp mek a ni.

><><>

### MYANMAR UNREST

Inthlanpui avanga Zokhawthara India leh Myanmar inkalpawhna lei khar hawn leh tur chungchangah thuneitute thu ngaihchan mek anih thu Champhai DC Pu James Lalrinchhanan a sawi.

Champhai District Bawrhsap Pu James Lalrinchhana chuan Inthlanpui zawh hma darkar 72 a la awm atang khan Myanmar nena inrina ramri chu khar a ni a ti a, Vote thlak zawh, April ni 19 tlai lam dar 5:00 thleng khar tur a nih laiin ramri a Duty Assam Rifles te chuan an hotu sangte hnen atanga thu an dawn bawhzuiin ramri hi an khar zui a, hemi chungchang hi thuneitu sang zawkte hnenah thlen a ni tawhin, an thu leh hla ngaihchan mek a ni a ti.

Puan tawh angin nimin tlai Dar 4:00 p.m. Khan Serchhip a awm Assam Rifles commandant chuan Zokhawthar khawtlang hruaitute leh Zokhawthar ral lehlam, Khawmawi khawtlang hruaitute Tiau Lei ah thil pawimawh sawi pui tura insawiin a ko khawm a,

Zokhawthar VCP Pu Lalmuanpuia hnen atanga thu dawn danin, Inthlan Vote thlak hun tawp hmain Zokhawthar khawtlang hruaitute hi Tiau lui kamah koh an ni a, tun a tangin thu leh awm hma chuan India leh Myanmar in kar ramri chu khar a ni a ti a, eng ti kawng mahin intlawhpawh a theih rih loh a ti bawk a, hei vang hian Zokhawthar leh Khawmawi khawtlang hruaitute an lungawi lo hle a ni.

Hetihlai hian Champhai DC chuan Inthlan zawh a nih tawh chuan ramri hi nitin mamawh inpe tawn thei leh chhiatni thatni thilah intlawhpawh tawn thei tura ramri hi hawn tur a ni tih Assam Rifles te hi hrih an ni a ti a, Ramri a duty tura ruat an nih avang leh an hotu lian zawkte thupek anga kal nia an insawi avangin tunah hian thuneitu sang zawkte thuchhuak an la ngaichang mek a ni a ti bawk.

Nimin tlai dar 5 vel khan Zokhawthara India leh Myanmar inkalpawhna lei khar tak hawn phutin mipui an pungkawm a.

Thudawn danin ramri-a khua pahnih Zokhawthar leh Myanmar lamah hian mipui an pungkawm ve ve a, hun engemaw chena lei khar tawh chu hawn leh an phut a, amaherawhchu hawn a la ni rih lo a ni.

<><><>

### EDUCATION MINISTER

Chin Baptist Association of North America (CBANA), Headquarters: Indianapolis, Indiana, USA chuan School Education Minister Dr Vanlalhlana chu a pisa-ah hmu in Mizoram sawrkarin Myanmar atanga raltlan alo dawn sawn avanga lawmthu sawi nan cheng nuai 8 sing 5 an hlan.

CBANA hruaitutechuan an thilpek chu Mizoram Sawrkarin a ÷ul apianga a hman tura pek a nih thu an sawi a, Myanmar tualchhunga buaina a awm avangin Myanmar-a Zohnahthlak cheng ÷hahnem takin sa him nan Mizorama

an unaute an rawn belh thu an sawi a. Ram leh ram inkara sa himna zawng ni mah se, ram danin document a phut thinte Mizoram Sawrkar chuan phut lova thlamuang taka an lo enkawl avangin thilung takin an lawm a, an lawmna lantir nan he sum fai hi pek a nih thu an sawi.

Dr Vanlalhlana chuan thisena inzawm an nih thu leh ramri chauhin a daidan thu sawiin Thisena inzawm, unau an nih avangin mihring siam chawp ramri chuan a then hrang thei lo a ti a, Sawrkar hmasaah inunauna tha takin an lo kalpui tih sawiin chhinzawm zel an tum dawn a a ti bawk.

Minister hi School Education Secretary Pi Lalzarmawii leh School Education Director Pu Lalsangliana ten an jawiawm a ni.

<><><>

### SAVE THE RIPARIAN

Aizawl khawpui tui lakna, Tlawng lui fintu kawr bawlhhlawh thenfai beihpui chu 'Save The Riparian' pawl chuan an nei mek a, vawiin hian hnatlangpui koh niin an thawhchhuah ni 20-na tur a ni a, mi thahnemngai engemaw zat hnatlang in an chhuak a ni.

Save The Riparian hian an hnathawh hi ni 20 chhung aw h tura ruahman ni mahse bawlhhlawh a tam avangin an duh anga chakin an thian fai theilo a, an hotute sawi danin Sakhisih lui lama an kutthlak khar nan hnatlangpui koh a ni a, hriat theih chinah ZoTrek, MZP, BVP Racing Team, ZMC, D'purification, Model Veng leh mithahnemngai engemaw zat ten ten an hnatlangpui dawn a heng bakah hian Tlawmngaia hnatlang thei apiang thawk chhuak turin an sawm tih an sawi bawk.

Frontline Leader Romalsawma sawi danin ni 20 chhunga an hnathawh ah hnatlang zawm duh an awm belh zel a, an thawh tawhah mipui thlawpna an hmu tha a , veng hrang hrang atangin an hnatlang thin tih sawiin Sawrkar lam chu Lok Sabha inthlan avangin an la che theilo a, mi thahnemngai sum tlingkhawm atangin hna an thawk a, tun thlenga tanpuina lut chu cheng nuai 2 chuang a tling tawh a ni.

Frontline Leader sawi danin luidung chu a tawp hle a, Bawlhhlawh bawmah an hmang ani deuh ber tih sawiin an tihfai sa ah an lo paih leh zel bawk a, bag tam tak an chhar khawm leh thin tih sawiin Septic Tank thli chu lui ah paih tlang an awm thin bawk a, Aizawl tui tlan anih avangin theihtawpa theihtawpa uluk a pawimawh tih a sawi.

Pu Romalsawma sawi danin an hnatlang chu March ni 26 khan AMC Mayor Pu Lalrinenga Sailo in a hawng a, Mission Vengthlang leh Model veng inrina atangin an tan a ni a, mipui thlawpna hmun hrang hrang atanga an dawng chu lawmawm atih thu a sawi bawk.

<><><>

### LOK SABHA 2<sup>ND</sup> PHASE

Nimin lamah Lok Sabha inthlanpui thawhkhatna zawh fel anih hnuin inthlanpui thawhnhina campaign-in a vanglai a thleng chho tan a. Inthlan thawhnhinaah hian Parliament seat 88 atan vote thlak a ni dawn a, state 11 leh Union Territory pakhat bakah Outer Manipur-a vote thlak la ngaihna hmunah te tun thla ni 26 ah inthlan a ni ang. Inthlan thawhnhinaah hian Kerala-a seat tam berin seat 20 a ni a, Karnataka-ah 14, Rajasthan ah 13, Uttar Pradesh leh Maharastra ah 8, Madhya Pradesh ah 7 , Assam leh Bihar ah 5 ve ve, West Bengal leh Chhatisgarh ah 3 ve ve, leh Tripura leh Jammu and Kashmir ah pakat ve veahte inthlan buatsaih a ni ang.

<><><>

## CJI

Chief Justice of India Justice DY Chandrachud chuan India-in dan leh hrai hmanga misual chungthu relna lama inthlak hlawk turin a inbuatsaih a ti. New Delhi-a Conference-ah he thu hi sawiin Justice Chandrachud-a chuan misual hremna dan thar pathum a taka hman tan anih dawn avangin ramchhunga dan leh hrai inrelbawlna chu tihdanglam a ni dawn a ti a. Heng dan thar pathum-Bharatiya Nyaya Sanhita, Bharatiya Nagrik Suraksha Sanhita, leh Bharatiya Sakshya Adhinyam te hian ramchhunga misualte chungthu relna dan hmanlai thlakin bung thar min kai pui dawn a ni a ti bawk.

Justice Chandrachud-a chuan khawl thluak tha chi Artificial Intelligence tangkaina sawilangin misualte chungthu rel kawngah hmasawna chak zawk an thlen a ti a. AI te chu kalphunga fel tawk lo hai chhuak turin hman tangkai a ni a ti a. Tuna dan thar pathum hman tur chu mipuiten an pawm anih chuan a hlawhtling hle tihna a ni ang a tibawk.

<><><>